



CONVOCATORIA DA PRIMEIRA EDICIÓN DOS PREMIOS UNIVERSITARIOS A TRABALLOS DE FIN DE GRAO (TFG), TRABALLOS DE FIN DE MESTRADO (TFM) E TESES DE DOUTORAMENTO EN MATERIA DE EMPRENDIMENTO DEFENDIDOS NA UNIVERSIDADE DA CORUÑA NOS CURSOS ACADÉMICOS 2022/2023 E 2023/2024

BASES REGULADORAS

Primeira. Obxecto

Convócanse premios a traballos de fin de grao (TFG), traballos de fin de mestrado (TFM) e teses de doutoramento realizados polo alumnado da Universidade da Coruña e defendidos nos cursos académicos 2022/2023 e 2023/2024 (neste último caso, ata o 31 de xullo de 2024) que sobresaian na temática do emprendemento. O obxectivo é promover a realización de traballos académicos que, dende calquera área de coñecemento, dean visibilidade ao ecosistema emprendedor e fomenten a cultura e a iniciativa emprendedora do alumnado da Universidade da Coruña, contribuíndo ao desenvolvemento económico e social das rexións.

Segunda. Requisitos das persoas participantes

Poderá participar nesta convocatoria o estudiantado da Universidade da Coruña que cumpra os seguintes requisitos:

1. Ter defendido e aprobado o traballo de fin de grao (TFG), traballo de fin de mestrado (TFM) ou a tese de doutoramento nos cursos académicos 2022/2023 e 2023/2024 (neste último caso, ata o 31 de xullo de 2024).
2. A temática dos devanditos traballos debe versar sobre calquera das facetas da actividade emprendedora e a súa xestión. Entre outros, consideraranse traballos que analicen aspectos referidos a:
 - Análise da actividade emprendedora (fase de ideas, modelos de negocio, financiamento, habilidades profesionais, estudo do ecosistema emprendedor dunha rexión ou país etc.).
 - Análise de procesos de innovación ou mellora dentro das empresas de calquera sector (dixitalización, aplicacións industriais, innovación social, melloras en sistemas etc.).
 - Proposta de produto e/ou servizo innovador que dea resposta a unha necesidade do mercado, ou proposta que supoña unha innovación en procesos ou produtos xa existentes que redunde nunha maior competitividade/eficiencia etc.
 - Desenvolvemento dun proxecto de creación dunha empresa que conte cun modelo de negocio innovador.
 - Estudo e desenvolvemento do marco teórico do emprendemento.
 - Outras liñas non enunciadas anteriormente que, a xuízo da comisión avaliadora, se poidan enmarcar na temática do emprendemento.

Código Seguro De Verificación		Estado	Data e hora
Asinado Por	1Rfxrt0EPSh9r5Q7AmDr2g==	Asinado	11/07/2024 22:52:11
	Vicerr. do Campus de Ferrol e Responsabilidade Social - Ana Isabel Ares Pernas	Asinado	11/07/2024 18:02:15
Observacións	Vicerreitora de Estudantes e Empregabilidade - María José Lombardía Cortiña	Páxina	1/7
Url De Verificación	https://sede.udc.gal/services/validation/1Rfxrt0EPSh9r5Q7AmDr2g==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





Terceira. Forma e prazo de presentación de solicitudes

1. As persoas candidatas deben cubrir e enviar o formulario en liña que se atopa na ligazón <https://forms.office.com/e/TrsTghJ0ng>, e que tamén estará dispoñible na páxina web da Unidade de Emprego da Vicerreitoría de Estudantes e Empregabilidade: <https://udc.gal/emprego>.

2. Xunto á solicitude de participación deberá presentarse a seguinte documentación:

- Documento que acredite ter defendido e aprobado o TFG, TFM ou a tese de doutoramento.
- Unha copia do TFG, TFM ou tese de doutoramento no caso de non estar xa publicado no repositorio institucional da UDC (RUC), pois, se xa o está, deberá marcarse tal circunstancia no mencionado formulario. No caso de ter que achegar o traballo, este deberá anexarse ao formulario en formato PDF.
- Unha breve descrición do traballo, que xa está incluída de forma obrigatoria no formulario, dunha extensión máxima de 100 palabras.
- Un resumo, que xa está incluído de forma obrigatoria no formulario, dunha extensión máxima de 500 palabras, no que a persoa solicitante expoña a contribución do traballo no ámbito do emprendemento como pode ser a potencialidade ou viabilidade de transformación da idea en proxecto de negocio, a ampliación de negocio dunha empresa existente, o impacto social, o grao de innovación ou as vantaxes competitivas respecto ao xa existente no mercado, entre outras.

3. O prazo de presentación de solicitudes comeza o día seguinte á publicación desta convocatoria no Taboleiro Oficial da Sede Electrónica da UDC, e remata ás 14:00 h do día 30 de agosto de 2024. Non se admitirán solicitudes con data de rexistro posterior á de finalización do prazo correspondente.

4. Unha vez rematado o prazo de presentación de solicitudes, e logo de revisalas, publicarase no Taboleiro Oficial da Sede Electrónica da UDC a listaxe das solicitudes admitidas e, de ser o caso, non admitidas, neste último caso co/s motivo/s da súa exclusión. As persoas interesadas disporán dun prazo de 5 días hábiles para corrixir as deficiencias indicadas; a listaxe definitiva publicarase a continuación.

5. As comunicacións relacionadas con esta convocatoria realizaranse exclusivamente a través da conta de correo electrónico corporativo da UDC.

Cuarta. Premios e contía

1. Existen dúas categorías de premios:

- Traballos de fin de grao (TFG) ou traballos de fin de mestrado (TFM).
- Teses de doutoramento.

2. Cóntase cun total de 20 premios que se deberán repartir entre dúas categorías. Por unha banda, os TFG e TFM, e, por outra, as teses de doutoramento. Para cada unha das categorías haberá un primeiro e un segundo premio en cada unha das cinco áreas de coñecemento que figuran a continuación:

- Artes e humanidades
- Ciencias sociais e xurídicas
- Ciencias

Código Seguro De Verificación	1Rfxrt0EPSh9r5Q7AmDr2g==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	11/07/2024 22:52:11
	Vicerreitora de Estudantes e Empregabilidade - María José Lombardía Cortiña	Asinado	11/07/2024 18:02:15
Observacións		Páxina	2/7
Url De Verificación	https://sede.udc.gal/services/validation/1Rfxrt0EPSh9r5Q7AmDr2g==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





- Enxeñerías e arquitectura
- Ciencias da saúde

3. Adicionalmente, considerarase un accésit para cada una das categorías e que aplicaríase a todas as áreas de coñecemento.

A seguinte táboa resume os premios convocados e a súa dotación económica:

PREMIOS UNIVERSITARIOS DE EMPREENDEMENTO 2024		ÁREAS DE COÑECEMENTO						TOTAL
		Artes e humanidades	Ciencias sociais e xurídicas	Ciencias	Enxeñerías e arquitectura	Ciencias da saúde	Todas as áreas	
DOUTORAMENTO	1.º PREMIO	1.600 €	1.600 €	1.600 €	1.600 €	1.600 €		12.300 €
	2.º PREMIO	800 €	800 €	800 €	800 €	800 €		
	Accésit						300 €	
TFG/TFM	1.º PREMIO	1.000 €	1.000 €	1.000 €	1.000 €	1.000 €		7.700 €
	2.º PREMIO	500 €	500 €	500 €	500 €	500 €		
	Accésit						200 €	
TOTAL		3.900 €	3.900 €	3.900 €	3.900 €	3.900 €	500 €	20.000 €

No caso de que algunha área de coñecemento non tivese ningunha persoa candidata ao premio, poderase reatribuír a dotación do premio á área con maior número de candidaturas en primeiro lugar ou, a criterio da comisión, ao traballo de maior interese e calidade.

Quinta. Dotación orzamentaria e fiscalidade

1. Os premios están financiados a través do convenio de colaboración entre a Consellería de Promoción de Emprego e Igualdade e a Universidade de Santiago de Compostela, a Universidade da Coruña e a Universidade de Vigo para realizar actuacións de difusión, promoción e apoio ao emprendemento na comunidade universitaria, integradas no programa anual de actividades do centro de orientación, emprendemento, acompañamento e innovación para o emprego da Comunidade Autónoma de Galicia, no marco do Plan de recuperación, transformación e resiliencia – financiado pola Unión Europea – NextGenerationUE.

2. A presente convocatoria conta cun orzamento máximo de 20.000 euros e será financiada con cargo á aplicación orzamentaria 090A.422D.6400008 (proyecto 01085) da UDC.

3. Os premios obxecto desta convocatoria estarán suxeitos á retención do IRPF (imposto sobre a renda das persoas físicas) ou do IRNR (imposto sobre a renda de non-residentes). Serán por conta das persoas premiadas todos os impostos que graven a percepción daqueles.

Código Seguro De Verificación	1Rfxrt0EPSh9r5Q7AmDr2g==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	11/07/2024 22:52:11
	Vicerreitora de Estudantes e Empregabilidade - María José Lombardía Cortiña	Asinado	11/07/2024 18:02:15
Observacións		Páxina	3/7
Url De Verificación	https://sede.udc.gal/services/validation/1Rfxrt0EPSh9r5Q7AmDr2g==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





4. O resto das repercusións que a obtención dos premios teña en fiscalidade das zonas premiadas, serán por conta destas, polo que a UDC queda exonerada de calquera responsabilidade respecto deste feito.

Sexta. Obrigas das persoas premiadas

1. A presentación da solicitude supón a aceptación de todos os puntos da presente convocatoria por parte da persoa solicitante. Para os aspectos que non se recollen expresamente nela aplicarase calquera outra normativa que para esta materia resulte procedente.

2. Poderá levarse a cabo unha entrega de premios nun acto público que se anunciará con suficiente antelación.

3. O incumprimento das bases da convocatoria, así como da ocultación de datos, a súa alteración ou manipulación, poderá ser causa de desestimación e, no seu caso, de reintegro das cantidades percibidas en concepto de premio.

Sétima. Organización

1. A organización destes premios corresponde á Vicerreitoría de Estudantes e Empregabilidade e á Vicerreitoría do Campus de Ferrol e Responsabilidade Social. A información sobre o procedemento e as súas distintas fases poderá consultarse no apartado web <https://udc.gal/emprego>.

2. Habilítase á organización para resolver calquera imprevisto sobrevido non considerado nestas bases.

3. Calquera dúbida ou consulta pode dirixirse a:

Emprego UDC (Vicerreitoría de Estudantes e Empregabilidade)

- Tel...: 881 013 616
- Correo electrónico: emprego.vee@udc.gal

Oitava. Comisión de avaliación, criterios de valoración, proposta de adxudicación e resolución

1. A comisión de avaliación dos premios estará integrada por:

- Presidenta: a vicerreitora de Estudantes e Empregabilidade, ou persoa en quen delegue.

- Vogais: a vicerreitora do Campus de Ferrol e Responsabilidade Social ou persoa en quen delegue, unha persoa da UDC experta no ámbito do emprendemento, un/unha representante da Oficina de Transferencia de Resultados de Investigación (OTRI) e un/unha representante externo/a dunha entidade que apoia o emprendemento.

- Secretaria: a adxunta de Empregabilidade da UDC, ou persoa en quen delegue.

A comisión de avaliación poderá solicitar un informe científico-técnico a persoas expertas nas ramas de coñecemento (artes e humanidades, ciencias sociais e xurídicas, ciencias, enxeñarías e arquitectura, e ciencias da saúde) ás que se vincule o traballo.

Os membros da comisión e as persoas expertas mencionadas no parágrafo anterior non poderán ter vínculo cos traballos a avaliar (por telos dirixido ou supervisado, por exemplo) nin coas persoas candidatas cos que podan incurrir en conflito de intereses.

Código Seguro De Verificación	lRfxrt0EPSh9r5Q7AmDr2g==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	11/07/2024 22:52:11
	Vicerreitora de Estudantes e Empregabilidade - María José Lombardía Cortiña	Asinado	11/07/2024 18:02:15
Observacións		Páxina	4/7
Url De Verificación	https://sede.udc.gal/services/validation/lRfxrt0EPSh9r5Q7AmDr2g==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





2. Os criterios de valoración que se aplicarán para a selección dos traballos premiados, con base en 10 puntos, son os seguintes:

- Grao de adecuación do TFG, TFM ou tese de doutoramento ás temáticas de interese definidas no punto 2 das presentes bases: ata 1 punto.
- Orixinalidade e relevancia dos resultados do traballo: ata 4 puntos.
- Impacto do traballo sobre os ámbitos das correspondentes áreas de coñecemento: ata 4 puntos.
- Calidade académica do traballo (estrutura e cohesión, coidado dos aspectos formais, metodoloxía empregada etc.): ata 1 punto.

Os premios outorgaranse ás candidaturas que acaden as valoracións máis altas en cada unha das modalidades existentes.

3. A resolución publicarase no Taboleiro Oficial da Sede Electrónica da UDC, así como no apartado web da organización.

4. O premio poderá ser declarado deserto pola Comisión, ademais de reatribuírse a outra categoría, conforme ao estipulado no punto 4 das presentes bases.

Novena. Renuncia, suspensión e revogación do premio

1. As persoas premiadas deberán renunciar ao premio cando deixen de cumprir os requisitos que fundamentan a súa concesión. A renuncia deberá presentarse mediante un escrito dirixido á vicerreitora de Estudiantes e Empregabilidade en que se motive a causa da devandita renuncia e se concrete a data a partir da cal a dita causa concorre.

2. Será causa de revogación do premio o incumprimento das obrigas establecidas na presente convocatoria. Nestes casos, a persoa premiada deberá reintegrar o premio percibido.

3. No caso de que o concurso quedase vacante por renuncia, revogación ou calquera outra causa, outorgaríase ao suplente que correspondese na orde establecida, se o houberse e cumprise as condicións requiridas.

Décima. Aprazamento ou suspensión do concurso

1. En casos de forza maior, a organización poderá aprazar ou suspender o concurso, o cal se publicará nos mesmos medios onde se publicou esta convocatoria.

2. En caso de aprazamento, igualmente comunicarase aos/ás participantes esta incidencia, que se publicará nos mesmos medios onde se publicou esta convocatoria.

Undécima. Responsabilidade sobre a autoría e contido dos traballos presentados

1. As persoas participantes no concurso responderán persoalmente da léxítima titularidade e orixinalidade do traballo presentado, así como da cesión do dereito da imaxe das persoas que aparezan, garantindo, pola simple participación neste concurso, a dita titularidade, así como o carácter orixinal da obra ou traballo. En caso de incumprimento, a persoa responsable será única e exclusivamente aquela que presentase o traballo, de modo que a organización quedará eximida de calquera conflito derivado pola non autoría dos traballos presentados.

2. O/a autor/a garante que o contido do traballo presentado, xa sexa escrito ou gráfico, non dará lugar pola súa publicación a ningún tipo de responsabilidade civil ou penal para a UDC, e que

Código Seguro De Verificación	lRfxrt0EPSh9r5Q7AmDr2g==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	11/07/2024 22:52:11
	Vicerreitora de Estudiantes e Empregabilidade - María José Lombardía Cortiña	Asinado	11/07/2024 18:02:15
Observacións		Páxina	5/7
Url De Verificación	https://sede.udc.gal/services/validation/lRfxrt0EPSh9r5Q7AmDr2g==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





non contén declaracións difamatorias, fórmulas, receitas ou instrucións danosas, violacións de dereitos de autor, de nomes comerciais, de marcas, de patentes ou doutras formas de protección da propiedade industrial, do dereito á intimidade ou outros dereitos, e comprométese expresamente a indemnizar á UDC ou aos seus licenciarios de calquera gastos, danos e perdas derivados de calquera incumprimento desta garantía ou como consecuencia de reclamacións de terceiros en relación coas materias cubertas por estas estipulacións e garantías.

Décimo segunda. Dereitos de propiedade. Exposición e divulgación dos traballos premiados pola entidade organizadora

1. A autoría dos traballos premiados corresponderá ás persoas lexítimas autoras deles nos termos establecidos nas bases desta convocatoria.
2. As persoas autoras dos traballos gañadores non ceden os seus dereitos de explotación.

Décimo terceira. Publicidade

As persoas gañadoras aceptan a difusión do seu nome e imaxe, de ser o caso, así como o título e resumo do traballo premiado, nas comunicacións de carácter informativo ou divulgativo realizadas pola UDC.

Décimo cuarta. Recursos

Contra a presente convocatoria, e contra a resolución de concesión, que esgotan a vía administrativa, poderá interpoñerse un recurso contencioso-administrativo ante o xulgado do contencioso-administrativo da Coruña, sede do órgano autor do acto, no prazo de dous meses que comezará a contar desde o día seguinte ao da súa publicación na páxina web da UDC, así como nos taboleiros oficiais de anuncios desta universidade.

Con todo, as persoas interesadas poderán optar por interpoñer contra esta resolución un recurso de reposición no prazo dun mes, que comezará a contar desde o día seguinte ao da súa publicación, ante o mesmo órgano que a ditou. Neste caso non caberá interpoñer o recurso contencioso-administrativo anteriormente citado en tanto non recaia resolución expresa ou presunta do recurso de reposición, de conformidade co establecido nos artigos 123 e 124 da Lei 39/2015, do 1 de outubro, do procedemento administrativo común das administracións públicas.

Décimo quinta. Tratamento de datos de carácter persoal

En cumprimento do artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección das persoas físicas no que respecta ao tratamento de datos persoais e á libre circulación destes datos (RXPD), e do artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD), infórmase de que os datos facilitados na concorrência a esta convocatoria serán tratados baixo a responsabilidade da Universidade da Coruña (UDC), cuxos datos de contacto son: rúa Mestranza 9, 15001, A Coruña, teléfono 981 167 000, correo electrónico rpd@udc.gal.

A finalidade do tratamento destes datos persoais é a descrita nesta convocatoria. Todas as persoas que entren en contacto con estes datos coa citada finalidade cumpriran o deber de confidencialidade establecido no artigo 5 LOPD. Estes datos trataranse durante o tempo imprescindible para cumprir coa citada finalidade, sen prexuízo da súa conservación en relación coa posible esixencia de responsabilidades legais.

Código Seguro De Verificación		Estado	Data e hora
Asinado Por	lRfxrt0EPSh9r5Q7AmDr2g==	Asinado	11/07/2024 22:52:11
	Vicerr. do Campus de Ferrol e Responsabilidade Social - Ana Isabel Ares Pernas		
	Vicerreitora de Estudantes e Empregabilidade - María José Lombardía Cortiña	Asinado	11/07/2024 18:02:15
Observacións		Páxina	6/7
Url De Verificación	https://sede.udc.gal/services/validation/lRfxrt0EPSh9r5Q7AmDr2g==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





A concorrncia a esta convocatoria implica a publicación dos seus datos na resolución da solicitude, dentro do Taboleiro Oficial da Sede Electrónica da UDC.

A persoa interesada consente expresamente o citado tratamento de datos para os efectos de cumprir coa finalidade descrita e terá dereito a retirar o seu consentimento en calquera momento, sen efectos retroactivos, salvo que o tratamento dos datos quede xustificado con algunha das outras bases de lexitimación que se recollen no artigo 6 RXPd.

Así mesmo, ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Así mesmo, terán dereito a non ser obxecto de decisións individuais automatizadas, incluída a elaboración de perfís.

Tales dereitos poderanse exercer: sinaladamente, a través do formulario para o exercicio dos dereitos en materia de protección de datos persoais, que se pode cubrir na Sede Electrónica da UDC, no apartado de "Outros trámites"; ou mediante unha solicitude remitida (por correo postal ou a través dos rexistros presenciais e da Sede Electrónica da UDC) á Secretaría Xeral, Reitoría da Universidade da Coruña, rúa Mestranza 9, 15001 de A Coruña, ou ao correo electrónico rpd@udc.gal, coa referencia "protección de datos", a través dun escrito asinado e acompañado da copia do DNI. Igualmente poderá dirixir esta solicitude á/ao delegada/o de protección de datos, na mesma forma anteriormente indicada, ou ao correo electrónico dpd@udc.gal. Asemade, vostede ten dereito a presentar unha reclamación ante a Axencia Española de Protección de Datos (AEPD).

A Coruña, na data da sinatura electrónica

A vicerreitora de Estudantes e Empregabilidade

A vicerreitora do Campus de Ferrol e Responsabilidade Social

Código Seguro De Verificación	1Rfxrt0EPSh9r5Q7AmDr2g==		Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas		Asinado	11/07/2024 22:52:11
	Vicerreitora de Estudantes e Empregabilidade - María José Lombardía Cortiña		Asinado	11/07/2024 18:02:15
Observacións			Páxina	7/7
Url De Verificación	https://sede.udc.gal/services/validation/1Rfxrt0EPSh9r5Q7AmDr2g==			
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).			

